



PRINS FULL Y PANCHE TIME



PRINS CACHETE Y PANCHE SOKETE



PRINS AMOR Y PANCHE PROHIBI



PRINS CAMA Y PANCHE FLY

TUR PAREHA PA ELECCION DI PRINS Y PANCHE JUVENIL TABATA CANDIDATO PA DESCUALIFICACION

ORANJESTAD(AAN)—
Si e miembronan di jura-
do Diasabra anochi a tene
cuenta cu reglamentonan
estricto pa eleccion di
prins y pancho, ta tur 4
pareha cu a tuma parti
mester a ser descualifica, y
e aña aki carnaval tuma lu-
gar sin prins y pancho ju-
venil, of mester a progra-
ma un eleccion nobo.

Ningun di e parehanan
cu a tuma parti na e elec-
cion den Centro di Barjo
Dakota no a tene nan mes
na reglamento di no usa
palabranan desformal.

E publico no a goza di
chiste tampoco e anochi
aki pasobra locual a ser
presenta no por a ser califi-
ca tampoco como chiste
pa drenta cas di hende via
transmisionnan, ni pa un
publico bai sinta scucha.

E miembronan di jura-
do lo mester tabata tin un
tarea dificil di verdad pa
por a escohe ganadorman
ya cu e nivel di tur e pare-
hanan no tabata cos di ga-

ba, cu un mas malo cu
otro.

Esnan cu a participa ta-
bata Prins Cachete y Pan-
cho Sokete, Roy Lints y
Jeffrey Schuitemburg ken-
denan a ser eligi tambe co-
mo Prins y Pancho Juvenil
1982.

Tambe a presenta Prins
Full y Pncho Time, Egbert
Brete y David Dubero,
Prins Amor y Pancho Pro-
hibi, Alvin Boekhoudt y

Johnny Peasch, y por ul-
timo Prins Cama y Pancho
Fly, Gino Dalrijmple y
Rino Margaretha.

Ta ser spera cu durante e
actividadnan cu ta sigui y
na cual e prins y pancho
mester presenta, cu nan lo
sa di controla nan mes y
presenta chistenan cu lo
cay na agrado di e publico
y lubida ariba e actuacion
y presentacion di diasabra
anochi na Dakota.